



Broj: 01-05-35214/16 KM
Sarajevo, 20.02.2017. god.

SKUPŠTINA KANTONA SARAJEVO SARAJEVO

PREDMET: Odgovor na „Poslaničko pitanje“

U prilogu dopisa dostavljamo Vam odgovor na postavljeno poslaničko pitanje na 23. Radnoj sjednici Skupštine Kantona Sarajevo održanoj dana 05.12.2016. godine, a od strane zastupnice Mersihe Mehmedagić.

Pitanje:

„Na osnovu dostupnih informacija o nepoštivanju registrovanih redova vožnje na autobuskim i minibuskim linijama koje povezuju Trnovo sa Ilijom (linije 45, 45b, 47, 47a, 48 i 85), tražimo od Kantonalne uprave za inspekcijske poslove da izvrši kontrolu realizacije redova vožnje na svim spornim linijama.“

Tražim od Ministarstva saobraćaja da mi dostavi podatke o realizaciji registrovanih redova vožnje u prethodnoj godini za sve navedene linije, te razmotri uvođenje dodatnih linija u skladu sa potrebama stanovništva.

Na osnovu informacija o angažovanju privatnih vozila za prijevoz učenika, tražimo od Kantonalne uprave za inspekcijske poslove da utvrdi da li su lica koja prevoze učenike OŠ „Zaim Kolar“ registrovani i licencirani prijevoznici, i po kojem pravnom osnovu su angažovani.

S obzirom da se radi o budžetskim sredstvima namjenjenim za prijevoz učenika, tražimo od Budžetske inspekcijske Ministarstva finansija da izvrši kontrolu utroška navedenih sredstava, a od Ministarstva za obrazovanje, nauku i mlade da se očituje da li je bilo informisano o ovakvom načinu prijevoza učenika.“

Odgovor :

Ministarstvo saobraćaja Kantona Sarajevo na osnovu dostavljenih podataka od strane preduzeća KJKP „Gradski saobraćaj. d.o.o. Sarajevo za period od 01.01. do 30.11. 2016. godine dostavljamo iste, i to:

- Linija broj 45 Ilija – Dejćići od planiranih 460 vožnji obavljene su 2 vožnje tj. 0,43 %;
- Linija broj 47 Ilijadža – Trnovo – Turovi od planiranih 3.724 vožnje obavljeno je 26 vožnji tj. 0,70 %;
- Linija broj 45 Garež – Dejćići od planiranih 2.733 vožnje obavljeno je 1.365 vožnji tj. 49,70 %;
- Linija broj 48 Garež – Delijaš - Hamzići od planiranih 2.325 vožnje obavljeno je 1.530 vožnji tj. 65,81 %;
- Linija broj 85 Ilijadža – Šabići - Sinanovići od planiranih 620 vožnji obavljeno je 425 vožnji tj. 68, %;



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1



Zbog nedovoljnog voznog parka minibuskog saobraćaja reduciran je broj polazaka tako da jednim vozilom vršimo prijevoz na linijama 45 Garež – Dejčići i 48 Garež – Delijaš – Hamzići, dok se prijevoz na liniji 85 Ilijadža – Šabići – Sinanovići obavlja samo vikendom.

Prethodno ukazuje na probleme koji se iskazuju u nepoštivanju reda vožnje i neodržavanje pojedinih polazaka, tj. niska frekvencija saobraćanja minibusa.

Da bi se trend pogoršanja nivoa komunalne usluge prijevoza putnika zaustavio neophodno je izvršiti nabavku minibusa vozila. Ministarstvo saobraćaja Kantona Sarajevo vodi postupak javne nabavke 12 minibusa vozila, a sve u skladu Zakona o javnim nabavkama ("Sl.glasnik BiH", broj: 39/14). Pored toga da bi se stvorili uslovi za potpunu normalizaciju javnog minibuskog prijevoza putnika Ministarstvo je pokrenulo inicijativu prema svim općinama na području Kantona Sarajevo. Zatraženo je mišljenje o eventualnim mogućnostima lokalne zajednice da sufinansira nabavku vozila (minibusa) za preduzeće KJKP „GRAS“ d.o.o. Sarajevo, a sve u cilju poboljšanja usluge u javnom linijskom prijevozu putnika na području Općine a samim tim i na području Kantona Sarajevo. Općina Hadžići je finansirala nabavku jednog vozila, a Općina Stari Grad i Općina Centar su iskazale spremnost za nabavku minibusa vozila.

Ministarstvo saobraćaja Kantona Sarajevo vodi i druge aktivnosti u skladu sa zakonskim i pod zakonskim propisima, a sve u saradnji sa Upravom za inspekcijske poslove. Uprava za inspekcijske poslove Kantona Sarajevo, nakon izvršene kontrole održavanja linija javnog linijskog prijevoza putnika, dostavlja Ministarstvu zapisnike za linije koje se ne održavaju u skladu sa registrovanim redom vožnje na daljnje postupanje u skladu sa odredbama člana 33. "Zakona o cestovnom prijevozu Federacije BiH", tj. pokreće postupak brisanja registrovanog reda vožnje. Nakon čega se pokreće procedura dodjele linije drugom prijevozniku.

S poštovanjem,

Dostaviti:

- Skupština Kantona Sarajevo
- evidencija
- arhiva



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1

